

## 1. CONVOCATORIA

Os Premios Galicia Alimentación foron postos en marcha no ano 2014 polo Clúster Alimentario de Galicia (Clusaga) co compromiso de poñer en valor a calidade e profesionalidade do sector, de aumentar a capacidade innovadora e de recoñecer as accións de emprendemento, dixitalización, innovación, sustentabilidade, marketing e internacionalización na industria. Para o seu desenvolvemento, a organización conta con colaboradores e patrocinadores de carácter público e privado. En 2024, os Premios Galicia Alimentación celebrarán a súa décima edición.

## 2. OBXECTIVO

Clusaga concede os Premios Galicia Alimentación 2024 co obxectivo de contribuír a promocionar os produtos alimentarios e as bebidas, os proxectos e as empresas e institucións relacionadas e a mellorar a súa imaxe e posición, de xeito que adquiran unha importancia relevante tanto dentro do sector alimentario como da sociedade en xeral. Con eles búscase estimular os diferentes elementos da cadea alimentaria na produción, transformación, distribución, utilización, coñecemento e consumo destes alimentos, así como recoñecer o seu esforzo comercial, innovador e de desenvolvemento sostible.

Estes premios valoran a excelencia, a traxectoria empresarial ou asociativa e a transferencia de coñecementos tecnolóxicos e I+D nos produtos, así como nos procesos que melloren a calidade de vida dos consumidores e a relevancia socioeconómica do sector alimentario no mercado nacional e internacional.

## 3. CATEGORÍAS

Na X Edición premiaranse dúas categorías, dentro das cales se enmarcan cinco galardóns. En primeiro lugar, a Categoría “Alimentos e Bebidas” premia a innovación e a excelencia do sector, materializadas en alimentos ou bebidas. Pola súa banda, a Categoría “Iniciativas do Sector Alimentario”, premia proxectos, accións ou prácticas das empresas destacadas nos ámbitos de Marketing e Internacionalización, Innovación e Sustentabilidade. Deste xeito, os cinco galardóns aos que se pode optar nesta X Edición son:

Dentro da Categoría “Alimentos e Bebidas”:

- **Premio Galicia Alimentación ao Produto Innovador.** Dirixido a posicionar o sector alimentario galego como provedor de produtos seguros, funcionais e de calidade, a través do desenvolvemento de novos alimentos e bebidas e os seus envases, caracterizados pola súa innovación, potencial comercial, deseño, posibilidade de agregar valor ás materias primas galegas e adaptación ás demandas do consumidor, con especial atención á relación entre nutrición e saúde.
- **Premio Galicia Alimentación ao Produto Excelente.** Enfocado a posicionar o sector alimentario galego como provedor de produtos de calidade diferenciada, que incorporen valores tradicionais adaptándoos ao momento actual cun deseño diferencial e empregando produtos e materias primas locais. Alimentos e bebidas con calidades organolépticas superiores e sensorias atractivas. Esta categoría pon especial atención aos produtos ecolóxicos e gourmet.

Dentro da Categoría “Iniciativas do Sector Alimentario”:

- **Premio Galicia Alimentación á Estratexia de Marketing ou Internacionalización.** Galardo a o esforzo de empresas e organizacións da industria de alimentación e bebidas para acceder, desenvolver e consolidar a súa posición no mercado nacional e internacional. Valorarase o seu plan de marketing no posicionamiento en novos nichos de mercado e a orientación ao consumidor, así como a implementación de campañas. Ademais, terase en conta a evolución continua e o dinamismo das exportacións na súa estratexia de internacionalización. Alén, nesta categoría valorarase a traxectoria e o traballo desenvolvido por institucións situadas fóra e dentro de España que se caractericen pola súa labor en favor da promoción da calidade e a imaxe dos produtos alimentarios e bebidas galegas, actuando, así, como verdadeiros embaixadores dos alimentos de Galicia.
- **Premio Galicia Alimentación á Innovación.** Recoñecerá proxectos innovadores, institucións, organizacións ou empresas de especial relevancia que se caractericen pola súa innovación na organización, produción e/ou modelo de negocio; desenvolvan produtos ou servizos innovadores no ámbito da cadea de valor dos alimentos e bebidas, incluíndo o desenvolvemento tecnolóxico cara a fábrica do futuro 4.0; ou que salienten polo seu carácter emprendedor e cooperativo e a súa visión estratéxica.
- **Premio Galicia Alimentación á Sustentabilidade.** Recoñecerá prácticas sostibles, institucións, organizacións ou empresas que se caractericen pola súa sustentabilidade na organización, produción e/ou modelo de negocio; desenvolvan produtos sostibles ou servizos para a transición verde da cadea de valor dos alimentos e bebidas, incluíndo a súa aliñación cos Obxectivos de Desenvolvemento Sostible (ODS) e coa Economía Circular.

Doutra banda, recóllese a **posibilidade de establecer a categoría Premio Honorífico Galicia Alimentación**, por acordo da Xunta Directiva do Clúster Alimentario de Galicia. Dito recoñecemento está dirixido a personalidades das que se valora a súa relevancia e traxectoria profesional na industria alimentaria á hora de impulsar p fortalecemento e a xeración de valor engadido, cunha notable visión da cultura da innovación e da sustentabilidade, e distinguidas pola súa labor en favor do sector alimentario galego dende o sector público ou privado.

#### 4. PARTICIPANTES

Poden presentar candidatura aos Premios Galicia Alimentación 2024 persoas físicas, autónomos, micro, medianas e grandes empresas, que teñan sede social ou centros produtivos ou exerzan a súa actividade comercial ou transformadora en Galicia, e institucións galegas ou situadas fóra do territorio, que teñan desenvolvido actividades en favor dos produtos alimentarios galegos. Ditos produtos deberán ter orixe ou ter sido transformados en Galicia ou na flota pesqueira dunha empresa galega.

Non poden presentar candidatura aquelas empresas que non compartan os obxectivos de Clusaga ou incumpran os requisitos do regulamento do réxime interno. Igualmente, non poderá optar ao premio ningunha persoa física ou xurídica que teña sido sancionada, con resolución que puxera fin á vía administrativa, por calquera Administración Pública.

As entidades que foron premiadas en edicións anteriores destes Premios poden presentar candidatura novamente na mesma categoría na que xa resultaron gañadores ou en calquera outra.

## 5. PRESENTACIÓN DE CANDIDATURAS

Para presentar candidatura á X Edición dos Premios Galicia Alimentación debe cumprimentarse o formulario correspondente dos aloxados na páxina da web de Clusaga <https://www.clusteralimentariodegalicia.org/sobre-clusaga/premios-galicia-alimentacion>.

Cabe salientar que dentro do formulario de presentación de candidaturas á Categoría “Alimentos e Bebidas” debe seleccionarse a que premio ou premios se desexa optar coa candidatura presentada, debendo escoller entre Produto Excelente e Produto Innovador, ou ben marcando ambas opcións no caso de considerar que o produto alimentario pode optar a ambos premios.

Do mesmo xeito, dentro do formulario de presentación de candidaturas á Categoría “Iniciativa do Sector Alimentario” debe seleccionarse a que premio ou premios se desexa optar coa candidatura presentada, debendo escoller entre Estratexia de Marketing e Internacionalización, Innovación e Sustentabilidade, ou been marcando máis dunha opción no caso de considerar que a iniciativa presentada pode optar a máis dun galardón dentro da presente Categoría.

Unha mesma entidade ou profesional pode presentar candidaturas a ambas Categorías, así como optar a máis dun premio dentro dunha mesma Categoría, debendo cumprimentar debidamente os correspondentes formularios e escollendo neles os debidos premios en cada caso.

Para optar ao Premio Galicia Alimentación ao Produto Excelente, unha vez validada a candidatura, será requirido o envío de mostras de produto para a súa valoración organoléptica por parte do xurado.

A aquelas candidaturas que opten á Categoría “Alimentos e Bebidas”, una vez validadas, se lles requirirá o envío de cando menos unha mostra por produto presentado para conformar a Exposición de Produtos Excelentes e Innovadores de Galicia, que estará dispoñible para a súa visita o día da Gala de Entrega de Galardóns.

## 6. PRAZOS E DATAS

- Prazo de presentación de candidaturas: do 4 de marzo ao 25 de abril de 2024 ás 23.59 horas.
- Prazo de envío de mostras de Produtos Excelentes para a súa valoración por parte do xurado: do 26 de abril ao 20 de maio.
- Prazo de envío de mostras de Produtos Innovadores e Excelentes para a súa integración na Exposición de Produtos Excelentes e Innovadores de Galicia: do 26 de abril ao 31 de maio.
- Acto de entrega dos premios e publicación dos premiados: 13 de xuño de 2024.

## 7. ENTREGA DE PREMIOS

A entrega dos premios efectuarase nun acto público, convocado ao efecto, ao que se dotará da transcendencia e solemnidade adecuadas, en liña coas nove edicións xa realizadas. Terá lugar o 13 de xuño de 2024, en horario de mañá, en Santiago de Compostela.

## 8. PREMIOS

Os premios consistirán nunha escultura acreditativa. Se a entidade galardoada fora de nova creación, cunha antigüidade menor a cinco anos, beneficiarase tamén da pertenza a Clusaga durante un ano e de apoio no desenvolvemento do seu plan de empresa.

Quen teña recibido un galardón poderán facer mención do premio nas súas accións de promoción e de publicidade, facendo sempre referencia de forma destacada ao premio, edición e entidades convocantes e colaboradoras desta.

O Clúster Alimentario de Galicia contará coa colaboración de quen reciban os galardóns para as diferentes accións de promoción que desenvolva.

## 9. XURADO

A avaliación e selección de candidaturas serán realizadas por un grupo avaliador integrado por unha representación do equipo de Clusaga e un xurado designado polos organizadores.

Para facilitar a labor do xurado, o equipo técnico realizará unha preselección das propostas, mediante a valoración obxectiva das mesmas, descartando as que non cumpran os requisitos de excelencia necesarios para a súa selección polo xurado. O equipo técnico estará integrado por un número de membros non inferior a tres, entre o propio persoal de Clusaga e expertos colaboradores externos habituais nas áreas temáticas de cada categoría.

Os premios fallaranse por un único xurado integrado por un número de membros non inferior a cinco, que serán designados polo Comité Executivo de Clusaga, a proposta da Xerencia, entre persoas e entidades de recoñecido prestixio nas actividades obxecto dos respectivos premios e entre os que propoñan as institucións colaboradoras, de forma que quede garantida ao máximo a idoneidade, competencia e independencia de dito xurado.

Entre os integrantes do xurado estarán dous membros da Xunta Directiva do Clúster Alimentario de Galicia e a xerencia de Clusaga. Tamén formarán parte do xurado dos Premios Galicia Alimentación representantes das institucións e organismos públicos colaboradores, patróns dos premios, representantes das universidades e representantes de centros de coñecemento galegos.

A presidencia do xurado será ostentada polo presidente de Clusaga, que contará con voto de calidade, ou pola persoa que este designe. A función de secretaría será exercida pola Xerencia do Clúster Alimentario de Galicia, que actuará con voz e sen voto.

O xurado valorará as solicitudes e documentacións presentadas, así como as accións levadas a cabo polos participantes que contribúan a promover os obxectivos enunciados nas diferentes categorías. Previamente á deliberación, establecerá o sistema de votación que considere máis adecuado.

Doutra banda, o xurado poderá, motivadamente, propoñer un máximo dun galardoado por cada premio, declarar deserta a candidatura ou algún dos premios, ou propoñer conceder *ex aequo* un mesmo premio para aquelas propostas dun nivel de excelencia equivalente en calquera das categorías dos premios.

## 10. SELECCIÓN DE CANDIDATURAS

O xurado terá en conta os seguintes criterios xerais:

- A adecuación da iniciativa, alimento ou bebida aos obxectivos definidos no artigo 3.
- A innovación, novidade, orixinalidade do produto ou iniciativa, adaptación aos cambios do mercado global e ás demandas do consumidor e o seu beneficio na mellora da calidade de vida das persoas.
- A sustentabilidade, circularidade, aliñación cos ODS e o respecto pola contorna do produto ou iniciativa.
- A repercusión económico-social da iniciativa e a súa posibilidade de crecemento e expansión.
- A calidade formal da proposta e o modelo organizativo e de financiación empregado.
- O modelo de traballo en equipo, colaboración, redes de interconexión.
- A traxectoria dos profesionais (resultados, compromisos...), o seu carácter emprendedor e a execución da iniciativa, cos seus medios de difusión ou comercialización do produto.
- A promoción e integración dos diferentes elementos da cadea alimentaria na produción, transformación, distribución, utilización, coñecemento e consumo dos nosos alimentos.
- O papel a favor da promoción da calidade, a imaxe dos produtos alimentarios e bebidas galegas actuando, así, como verdadeiros promotores da marca Galicia asociada á excelencia en alimentos e bebidas.

Ademais, os criterios específicos de cada premio serán os seguintes:

- **Premio Galicia Alimentación ao Produto Innovador.** Poderán concorrer novos produtos, incluídos envases, lanzados nos últimos tres anos, caracterizados pola súa innovación, potencial comercial, deseño, posibilidade de agregar valor aos produtos galegos e adaptación ás demandas do consumidor.
- **Premio Galicia Alimentación ao Produto Excelente.** Poderán concorrer produtos novos ou non, caracterizados polos seus valores tradicionais adaptados ao momento actual cun deseño diferencial e empregando principalmente materias primas locais. Alimentos e bebidas atractivos con calidades sensorias e organolépticas superiores, que serán avaliadas especificamente.
- **Premio Galicia Alimentación á Estratexia de Marketing ou Internacionalización.** Destinado a empresas e organizacións da industria de alimentación e bebidas que traballen para acceder, desenvolver e consolidar a súa posición no mercado nacional e internacional. Valorarase a innovación na estratexia de internacionalización, a evolución e dinamismo e o desenvolvemento do seu plan de marketing, o posicionamento en novos nichos de mercado e a orientación ao consumidor e ás novas tendencias e demandas de consumo.
- **Premio Galicia Alimentación á Innovación.** Premiarase o proxecto innovador, institución, organización ou empresa de especial relevancia, destacada ou singular, que se caracterice pola súa innovación en organización, produción e/ou modelo de negocio, que desenvolva produtos ou servizos innovadores no ámbito da cadea de valor dos alimentos e bebidas, incluíndo o desenvolvemento tecnolóxico cara a fábrica do futuro 4.0, ou que saliente polo seu carácter emprendedor e cooperativo e a súa visión

estratéxica.

- **Premio Galicia alimentación á Sustentabilidade.** Premiarase o proxecto, institución organización, empresa ou práctica de especial relevancia no ámbito da sustentabilidade, destacando polo impacto desta na organización, produción e/ou modelo de negocio, que desenvolva produtos sostibles ou servizos para a transición verde da cadea de valor dos alimentos e bebidas, incluíndo a súa aliñación cos ODS e coa Economía Circular.

A votación do xurado será secreta e os datos e información das candidaturas serán tratados con total confidencialidade pola súa parte. Se algún membro do xurado tivera algún interese de tipo profesional ou persoal con algunha das candidaturas, absteríase de exercer o seu voto para o fallo do premio ou premios afectado/s.

## 11. RESPONSABILIDADES E CONDICIÓN

Os gañadores serán informados pola organización a través dos datos de contacto facilitados polos participantes no formulario de candidatura, para que estean presentes no momento de recoller o premio. O resto dos candidatos coñecerán o fallo do xurado o mesmo día de celebración do acto de entrega dos Premios Galicia Alimentación.

Calquera instancia non prevista nestes termos e condicións será resolta polos organizadores e os participantes ateranse a estas decisións de xeito inapelable.

Os organizadores resérvanse o dereito de modificar os prazos das distintas etapas, así como tamén calquera aspecto que ao seu criterio implique melloras organizativas no concurso e os seus procedementos. O feito de presentar candidatura aos premios supón a plena aceptación das súas bases por parte dos participantes.

## 12. COMUNICACIÓN E PUBLICIDADE

As presentes bases publicaranse na web do Clúster Alimentario de Galicia (<https://www.clusteralimentariodegalicia.org/>).

Os datos que se completan no formulario de inscrición poderán ser utilizados na campaña de difusión dos Premios Galicia Alimentación.

Todas as comunicacións oficiais por parte da organización aos participantes realizaranse a través da páxina web e do correo electrónico [comunicacion@clusaga.org](mailto:comunicacion@clusaga.org).

## 13. ORGANIZACIÓN E PATROCINADORES

As seguintes entidades organizan, participan e/ou apoian os Premios Galicia Alimentación 2024:

- Institucións: Xunta de Galicia (varias Consellerías e organismos).
- Patrocinadores. En categoría ouro: Caixa Rural Galega, GADISA e Vegalsa-Eroski. En categoría bronce: Fundación Semana Verde de Galicia.

#### **14. CONFIDENCIALIDADE E TRATAMENTO DE DATOS**

O feito de participar nos Premios Galicia Alimentación supón a aceptación das presentes bases por parte do candidato. O Clúster Alimentario de Galicia resérvase o dereito de efectuar calquera cambio, aclaración ou rectificación das bases legais, sempre facendo públicos ditos cambios coa mesma publicidade que se lle dea ás presentes bases.

En cumprimento do establecido na Lei Orgánica 3/2018, de 5 de decembro, de Protección de Datos Persoais e garantía dos dereitos dixitais, o Clúster Alimentario de Galicia con domicilio en Edificio FEUGA, oficina. 18, Rúa Lope Gómez de Marzoa, s/n, Campus Vida, CP 15705, Santiago de Compostela (A Coruña), informa que os datos dos participantes pasarán a formar parte da base de datos do Clúster coa finalidade de posibilitar a participación nos “Premios Galicia Alimentación” de conformidade co disposto nas bases legais.

Así, os premiados autorizan a comunicación dos seus datos ás entidades colaboradoras de Clusaga para posibilitar a entrega do premio, así como a de outros colaboradores que houberen formado parte da presente promoción coa fin descrita.